



partii naleraq

UKA2015/43

22. oktober 2015

Ukiut qulit 20-illu akornani nuna tamakkerlugu sanaartugassanik pilersaarusiortoqarnissaanik, minnerpaamik kommuuninut agguataarneqartunik aammalu kommunit suleqatigalugit pilersaarutinin ingerlanneqartussanik Naalakkersuisut peqquneqarnissaanik Inatsisartuni aalajangiiffigisassatut siunnersuut. Sanaartukkanik pilersaarutit Namminersornerullutik Oqartussat aammalu kommunit sanaartormik suliaasaanik imaqartinneqassapput, tamatumani piviusumik tulleriissarinissat pilersaarusiornissallu kommuunini kiisalu sanaartugassanik suliaassinneqartunit ingerlanneqarsinnaalersillugit aammalu suliaasaasinnaasunillu kommuunini ingerlanneqartussatut pilersaarutit inissisorneqarsinnaalersillugit.

(Inatsisartunut ilaasortaq Agathe Fontain, Inuit Ataqtigiit)

Partii Naleqqamiit Inatsisartuni ilaasortap Agathe Fontain, Inuit Ataqtigiit aalajangiiffigisassatut siunnersuutaa imaattumik akissuteqarfigissuarput.

Tungaviusumik siunnersuuteqartutuut isumaqarpugut pingaaruteqartoq attuumassuteqartunut tamanut siumugaaq piareersarluarsimasuunissaq pingaarutilerujussuusooq.

Aamma kommuunini aqqissuusseqqinnermut atatillugu akisussaaffinnik tunniussuinissamut siunertaq ilaatigut, assersuutigalugu angallannermut kiffartuussinissamut isumaqatigiissutit, il. il. akisussaaffinnik annertunerusumik tunniussuinissat kommunit nammineernerusumik aqqissuussinnaanissaat aallaaveqarpoq, taakkua sumiiffiminni nammineerenerusumik aqqissuussinnaaniammata.

Tamatta aamma annermik minnermilluunniit ilisimaarigipput aningaasaqarneq avataaniit sunnerneqartuaannarsinnaasooq, taamaattumillu biibilimisuulli nersussuit ukiuni arfineq marlunni pualariarlutik aamma sanigorlutik nassuiaassutigineqarnikuusut. Ukiorpaalunnguit kingumut qiviarutta amerlagunaqaat takorluuisinnaangitsut nunatta aningaasamuulerumaarnera, taamaattumik Partii Naleqqamiit takorlooruminaatsipparput ukiuni taama amerlatigisuni pituttuinalimmik sanaartornikkut pituttuisoqartalernissaa.

Sanaartorneq aqqissuussiffiungaatsiartariaqartoq tamatta isumaqatigiissutigisinnaagunarparput, soorlu aamma ippasaaningguakkunni tungaviusumik inatsisiliortussanik isumalioqatigiissitassanik pilersitsisoqarnissaa amerlanerussuteqarluartut, inatsisartuni ilaasortanit 31-iusunit 25-t akuersimmata, tamakkualuunniit eqqarsaatigiinnarlugit inuiaqatigiittut killiffipput eqqarsaatigalugu taamatut siunnerfeqarnissat eqqarsarnartortaqaarnera takoreersinnaavarput.

Aqqissuusseqqinnissamik oqallisileruttorpugut aamma tassani angallanneq eqqarsaatigalugu **Partii Naleqqamiit neriutigeaarput** annertuumik tassuuna inuiaqatigiinnut ajunnginnerungaartumik

aaqqiisoqarnissaa qanittukkut isumaqatigiissuteqarfigissagipput, aammalu nioqqutissat akiisigut. Tamakku Partii Naleqqamiit eqqavagut aamma tunngavilersuutaammata sumi najugaqariaasitsinnut. Tamakkumi aaqqiiffingutsigit nunani allamisuulli sumi najugaqariaaseq allanngorsinnaanera takorloorneqarsinnaavoq, tamannalu soorunami aamma sanaartornermut attuumassuteqarluinnarmat, aamma siunnersuuteqartutuut iliuuseqarnissaq eqqarsarnarpoq.

Sanaartoriaaserput aaqqissuussiffigissallugu sorpassuartigut pisariaqarluinnarpoq siunnersuutilli tunngaviatigut aaqqiifiginissaa ilalernartinngilarput Partii Naleqqami, sanaartorerulli eqqartortuarnissaa nalilersortuarnissaalu pingaaruteqarluinnarmat siunnersuuteqartoq siunnersuutaanut qujassuteqarfigissavarput.

Qujanaq